


Republika e Kosovës

Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY



DATE/A:	16.04.2018
REFERENC-Ë:	AKK- DPKPP /03-03-1146/18
PËR/ZA/TO:	z. Hyzri DELOLLI, Zyrtar Përgjegjës i Prokurimit – Gjykata Themelore në Ferizaj
CC:	z. Sejdi SADIKU, Administrator – Gjykata Themelore në Ferizaj
NGA/OD/FROM:	Shaip HAVOLLI, Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me Tenderin me titull " Dhënia në Shfrytëzim të hapësirave brenda objektit të Gjykatës Themelore në Ferizaj "



I nderuari z. DELOLLI,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë Kundër Korrupsionit, nenit 8 (par. 4), 9 (par. 1, nënpar. 1.6), 12 (par. 2) dhe 19 (par. 1, nënpar. 1.6) të Ligjit nr. 04/L-051 për Parandalimin e Konfliktit të Interesit në Ushtrimin e Funksionit Publik, si dhe të nenit 23 të Rregullores nr. 01/2014 së Punës së Agjencisë Kundër Korrupsionit, lidhur me Tenderin " Dhënia në Shfrytëzim të hapësirave brenda objektit të Gjykatës Themelore në Ferizaj ", me numër të prokurimi: 38400-18-2262-221, me nr. të brendshëm: 38400-18-003-221, Agjencia Kundër Korrupsionit, ofron këtë:

OPINION

Me të cilin kërkohet nga ju si Autoritet Kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me Tenderin " *Dhënia në Shfrytëzim të hapësirave brenda objektit të Gjykatës Themelore në Ferizaj* ", me numër të prokurimit: 38400-18-2262-221 dhe me nr. të brendshëm: 38400-18-003-221, në mënyrë që të respektohen dispozitat përkatëse të Ligjit për prokurimin publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

A r s y e t i m i

Agjencia Kundër Korrupsionit (në tekstin e mëtejshëm Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 12.04.2018, ka nxjerrë vendim me numër protokolli: *AKK-03-03-1146/18*, për fillimin e procedurës për trajtimin e rastit në lidhje me aktivitetin e prokurimit publik me titull "***Dhënia në Shfrytëzim të hapësirave brenda objektit të Gjykatës Themelore në Ferizaj***", me numër të prokurimit: *38400-18-2262-221* dhe me nr. të brendshëm: *38400-18-003-221*, i iniciuar nga Autoriteti Kontraktues Gjykata Themelore në Ferizaj.

Agjencia në bazë të dokumenteve të nxjerra nga platforma **E-Prokurimi** ka analizuar njoftimin për kontratë, dosjen e tenderit dhe pjesën e specifikimeve teknike, ku ka konstatuar se Autoriteti Kontraktues, për këtë aktivitet të prokurimit ka paraparë procedurë të hapur, kontratë publike kornizë të llojit shërbime, me vlerë të mesme prej 11.000,00 €. Agjencia, pasi ka analizuar me kujdes njoftimin për kontratë dhe dosjen e tenderit ka vërejtur se tek rubrika *III.2.4. kapaciteti teknik dhe profesional tek kërkesa 1, Autoriteti Kontraktues, ka kërkuar nga Operatorët ekonomik të ofrojnë dëshmi se kanë përfunduar me sukses së paku dy kontrata të natyrës së njëjtë në dy vitet e fundit (2017 dhe 2018)*. Kërkesë kjo për të cilën AKK konsideron se nuk është në pajtim me dispozitat e Ligjit në fuqi për prokurimin publik më saktësisht me nenin 69.

Bazuar në dispozitat e Legjislacionit në fuqi për Prokurimin Publik më saktësisht me nenin 69 paragrafi 4.2. " Për ta vërtetuar aftësinë teknike dhe profesionale të Operatorëve ekonomik, Autoritetet Kontraktuese mund të kërkojnë listën me të cilën saktësohen të gjitha kontratat kryesore të rëndësishme të shërbimeve të realizuara në periudhën e shkuar trevjeçare, duke saktësuar llojin e shërbimeve të përfshira, shumën e kontratës, datën dhe pranuesin: (i) kur shërbimet janë siguruar për autoritetin publik në Kosovë ose në vendin tjetër, si dëshmi për këtë sigurim të shërbimeve do të shërbejë kopja e certifikatës (certifikatave) përkatëse të lëshuar ose bashkë nënshkruara nga autoriteti i tillë publik; (ii) kur shërbimet janë siguruar për blerësin privat, dëshmi për këtë sigurim të shërbimeve duhet të jetë kopja e çdo dokumenti të nënshkruar nga blerësi dhe evidentimi i sigurimit të tillë ".

Pra në këtë rast do duhej të kërkohej lista e kontratave bashkangjitur si dëshmi referencat mbi përfundimin e kontratave **të ngjashme të shërbimeve realizuara në tri vitet e fundit para publikimit të njoftimit për kontratë.**

Konsiderojmë se veprimet e tilla si në rastin konkret e kufizojnë konkurrencën e lirë dhe diskriminojnë Operatorët ekonomik të cilët mund të bëjnë shërbimet e ngjashme.

Veprimet e Autoritetit Kontraktues, konsiderojmë se bien ndesh me nenin 27 Dosja e Tenderit dhe nenin 69 Kapaciteti teknik/profesional të Ligjit për prokurimin publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

Konsiderojmë se shkelje të tilla nuk duhet lejuar në aktivitete të prokurimit, andaj Agjencia Kundër Korrupsionit rekomandon që të evitohen këto shkelje, përmes njoftimit standard për informata shtesë dhe për përmirësimin e gabimeve, duke i njoftuar Operatorët të cilët e kanë tërhequr dosjen e këtij tenderi.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarra.

Me respekt !